



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel.(032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-3421/24

Datum:04.09.2024. godine

Upravni odbor JU „Dom zdravlja“ Zavidovići na osnovu člana 38. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14, 59/22 i 50/24), na svojoj 77. sjednici održanoj dana 04.09.2024. godine, donosi

ODLUKU

o izboru najpovoljnijeg ponuđača za nabavku
papirnog programa za medicinu, termo papira za UZV, EKG, CTG i spirometar – LOT 2 –
PAPIRNI PROGRAM ZA OSTALE MEDICINSKE UREĐAJE

Član 1.

Okvirni sporazum za nabavku papirnog programa za medicinu, termo papira za UZV, EKG, CTG i spirometar – LOT 2 – PAPIRNI PROGRAM ZA OSTALE MEDICINSKE UREĐAJE za JU «Dom zdravlja» Zavidovići za 12 mjeseci, dodjeljuje se ponuđaču **ENA d.o.o. Sarajevo.**

Član 2.

Ponuda ponuđača ENA d.o.o. Sarajevo, u provedenom konkurentskom zahtjevu za dostavu ponuda, bila je prihvatljiva ponuda i nakon održane e-aukcije imala je najnižu cijenu, te će se ovom ponuđaču ponuditi Okvirni sporazum za nabavku papirnog programa za medicinu, termo papira za UZV, EKG, CTG i spirometar – LOT 2 – PAPIRNI PROGRAM ZA OSTALE MEDICINSKE UREĐAJE za JU „Dom zdravlja“ Zavidovići, u ukupnom iznosu od **2.490,00 KM bez PDV-a**, što sa PDV-om iznosi 2.913,30 KM.

Član 3.

Drugi po rangi, nakon provedene e-aukcije, bio je ponuđač DERBY TRADE d.o.o. Brčko, sa ukupnom cijenom ponude u iznosu od 2.500,00 KM bez PDV-a.

Član 4.

Ponuda ponuđača MSG d.o.o. Tuzla, odbačena je shodno članu 68. stav (4) tačka i) Zakona o javnim nabavkama, jer ponuda nije potpuna i ne ispunjava zahtjeve iz tenderske dokumentacije.

Član 5.

Izabrani ponuđač će morati dostaviti original ili ovjerenu fotokopiju kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

- a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospelje obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospelje obaveze u vezi sa plaćanjem direktnih i indirektnih poreza,
- e) rješenje o registraciji ili izvod iz sudskog registra sa priložima o registraciji djelatnosti koja je predmet javnog nadmetanja,
- f) potvrdu (rješenje) o upisu u registar proizvođača ili veletrgovaca medicinskih sredstava.

Član 6.

Ova odluka stupa na snagu danom donošenja.

Obrazloženje

Obavještenjem o nabavci br. 638-7-1-246-3-109/24 koje je objavljeno na portalu javnih nabavki dana 30.07.2024. godine i u "Službenom glasniku BiH" br.53 od 02.08.2024. godine, i br. 638-7-1-246-8-111/24 koje je objavljeno na portalu javnih nabavki dana 07.08.2024. godine i u "Službenom glasniku BiH" br.54 od 09.08.2024. godine, objavljen je postupak javne nabavke papirnog programa za medicinu, termo papira za UZV, EKG, CTG i spirometar za JU «Dom zdravlja» Zavidovići za 12 mjeseci putem konkurentskog zahtjeva.

Tendersku dokumentaciju za predmetnu nabavku, sa portala javnih nabavki preuzelo je 8 ponuđača i to: EMEDING DOO, EKAPIJA DOO, BROMA BEL D.O.O. BANJA LUKA, BBS EUROPE, E N A D.O.O. SARAJEVO, DERBY TRADE D.O.O., BIOTEGA DOO BANJA LUKA i MSG.

Tendersku dokumentaciju i ispravku tenderske dokumentacije za predmetnu nabavku, sa portala javnih nabavki preuzelo je 7 ponuđača i to: E N A D.O.O. SARAJEVO, MSG, DERBY TRADE D.O.O., EKAPIJA DOO, BBS EUROPE, SONO MEDICAL DOO i "PDG PROFESSIONAL DEVELOPMENT GROUP" D.O.O. – PODGORICA.

Na adresu JU "Dom zdravlja" Zavidovići, za nabavku papirnog programa za medicinu, termo papira za UZV, EKG, CTG i spirometar - LOT 2 – PAPIRNI PROGRAM

ZA OSTALE MEDICINSKE UREĐAJE, dostavljene su tri ponude i to: ENA d.o.o. SARAJEVO, DERBY TRADE D.O.O. BRČKO i MSG d.o.o. TUZLA.

Nakon pregleda dostavljene dokumentacije Komisija za javne nabavke utvrdila je da dvije ponude odgovaraju uslovima iz tenderske dokumentacije, odnosno da su prihvatljive ponude, a jedna ponuda je odbačena iz razloga što nije potpuna i ne ispunjava zahtjeve iz tenderske dokumentacije.

Procijenjena vrijednost javne nabavke iznosi **3.500,00 KM**.

Ponuda ponuđača MSG d.o.o. Tuzla, odbačena je iz sljedećih razloga:

U tenderskoj dokumentaciji, u tački 4. PRIPREMA PONUDA, podtačka 4.3., propisano je:

„Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numerišu dodatno.

Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji.“

Uvidom u dostavljenu ponudu ponuđača MSG d.o.o. Tuzla, utvrđeno je da ista nije numerisana, tj. da stranice ponude nisu označene brojem na način da je vidljiv redni broj stranice, kako je to traženo tačkom 4. PRIPREMA PONUDA, podtačka 4.3. Tenderska dokumentacije.

U tenderskoj dokumentaciji, u tački 2.USLOVI ZA KVALIFIKACIJU I POTREBNI DOKAZI, podtačka 2.3., propisano je:

„Dokazi koje je dužan dostaviti ponuđač u svrhu dokazivanja tehničke i profesionalne sposobnosti su:

- a) Rješenje (potvrda) o upisu medicinskog sredstva u registar medicinskih sredstava izdato od Agencije za lijekove i medicinska sredstva BIH sa svim priložima koji čine sastavni dio rješenja/potvrde (veličine pakovanja, kataloški brojevi i sl.) –fotokopija
- b) Ponuđači koji nisu vlasnici originalne dozvole za stavljanje u promet medicinskih sredstava koja su predmet ove nabavke, moraju dostaviti i odobrenje/autorizaciju/saglasnost kojom nosioci dozvola ovlašćuju ponuđače da prometuju njihovom robom. Odobrenje/autorizacija/saglasnost moraju biti u originalu ili ovjerenoj fotokopiji.
- c) Popunjena Tabela 2. o upisu u registar medicinskih sredstava za svaki LOT“.

Uvidom u dostavljenu ponudu ponuđača MSG d.o.o. Tuzla, utvrđeno je da ista ne sadrži dokaze tražene u tački 2.USLOVI ZA KVALIFIKACIJU I POTREBNI DOKAZI, podtačka 2.3., tj. nije dostavio Rješenje (potvrda) o upisu medicinskog sredstva u registar medicinskih sredstava izdato od Agencije za lijekove i medicinska sredstva BIH sa svim priložima koji čine sastavni dio rješenja/potvrde (veličine pakovanja, kataloški brojevi i sl.), kao niti Popunjenu Tabelu 2. o upisu u registar medicinskih sredstava za LOT 2.

U tački 2.USLOVI ZA KVALIFIKACIJU I POTREBNI DOKAZI, podtačka 2.3. Tenderske dokumentacije, navedeno je:

„U slučaju da se u ponudi uopšte ne dostavi navedena dokumentacija iz podtački 2.1., 2.2. i 2.3. ove tenderske dokumentacije ili se ne dostavi na način kako je to traženo ponuđač će

biti isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.“

Također, u tački 4. PRIPREMA PONUDA, podtačka 4.1. Tenderske dokumentacije, istaknuto je:

„U slučaju da se u ponudi ne dostavi navedena dokumentacija ili se ne dostavi na način kako je to traženo ovom tenderskom dokumentacijom ponuđač će biti isključen iz daljeg učestvovanja u postupku javne nabavke.“

Imajući u vidu izneseno, komisija je utvrdila da ponuđač MSG d.o.o. Tuzla, u ponudi nije dostavio sve tražene dokumente na način kako je propisano tenderskom dokumentacijom, te ponudu nije numerisao kako je propisano tenderskom dokumentacijom.

Usljed utvrđenog činjeničnog stanja, ponuda ponuđača MSG d.o.o. Tuzla, odbačena je shodno članu 68. stav (4) tačka i), jer ponuda nije potpuna i ne ispunjava zahtjeve iz tenderske dokumentacije.

U ovom postupku nabavke predviđeno je provođenje e-aukcije.

"E-Aukcija" je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Ugovorni organ odlučio je da e-aukciju zakaže za 29.08.2024. godine sa početkom u 14:30 sati, te da će e-aukcija trajati 10 minuta.

Prvobitni rang ponuđača koji je utvrđen na osnovu cijena iz ponuda sa uračunatim popustom i na osnovu kojeg je i zakazana e-aukcija bio je sljedeći:

Ponuđač:	ENA D.O.O. SARAJEVO	DERBY TRADE D.O.O. BRČKO	Najniža vrijednost ponude
Ukupan iznos bez PDV	3.320,00	3.500,00	3.320,00
Rang	1	2	

Ugovorni organ iz sistema e-nabavke, preuzeo je izvještaj o toku i završetku e-aukcije 29.08.2024. godine u 14,43 sati, te je nakon okončane e-aukcije nastavio rad na ocjeni ponuda u ovom postupku.

Iz izvještaja se može utvrditi da su u toku e-aukcije podnošene nove ponude, te da je nakon okončane e-aukcije prvorangirani ponuđač **ENA D.O.O. SARAJEVO** sa najnižom cijenom ponude u iznosu **2.490,00 KM bez PDV-a**, a drugi po rangju je ponuđač **DERBY TRADE D.O.O. BRČKO**, sa ukupnom cijenom ponude u iznosu od **2.500,00 KM bez PDV-a**.

Nakon provedenog postupka ocjene prihvatljivih ponuda i provedene e-aukcije, prema utvrđenom kriteriju-najniža cijena Komisija je dala preporuku da se prihvati ponuda ponuđača **ENA d.o.o. Sarajevo** prihvati kao najpovoljniju za nabavku papirnog programa za medicinu, termo papira za UZV, EKG, CTG i spirometar – LOT 2 – PAPIRNI PROGRAM ZA OSTALE MEDICINSKE UREĐAJE za JU «Dom zdravlja» Zavidovići, koja je u provedenom postupku javne nabavke, imala najnižu cijenu u ukupnom iznosu od **2.490,00 KM bez PDV-a**, što sa PDV-om iznosi **2.913,30 KM**.

Cijeneći pravilnost provedenog konkurentskog zahtjeva za dostavu ponuda za nabavku papirnog programa za medicinu, termo papira za UZV, EKG, CTG i spirometar – LOT 2 – PAPIRNI PROGRAM ZA OSTALE MEDICINSKE UREĐAJE za JU „Dom zdravlja“ Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

DOSTAVLJENO:

1. ENA d.o.o. Sarajevo,
2. DERBY TRADE d.o.o. Brčko,
3. MSG d.o.o. Tuzla,
4. a/a.

**PREDSJEDNIK
UPRavnog odbora:**
Mehić Ekir, dipl. pravnik